



BIBLIOTEKA

Zaki. Nar. im. Ossolińskich

XVII 2702

655





A V R O R A

N A T A L I V M. 67

Illustrissimi ac Magnifici Domini,

D. ADAMI HIE-

R O N Y M I

à G R A N O W

S I E N I A W S K I.

Ad auspiciatissimi Solis ortum reducentis diem anniuersariam Illustrium Incunabulorum suorum.

Sub Auspiciis

S T A N I S L A I O S S E D O W S K I

Artium Magistri & Philosophie Doctoris, Professoris Nowodworjiani. Ab Illustri & Nobili Iuuenture Academia, ex Schola Poeseos Gratulationis ergo,

In lucē producta ac decantata, Anno Reparatae salutis M. DC. XXXVIII. die 30. Septēb.

CRAC: Typis Antonij Wośinski, A. 1638.

IN STEMM A.



EXoriarè polo noue Bosphore, cresceg₃ famâ₃!
Hoc tua vult Phœbe, Stellaq₃ pennigera.
Cynthia dum radians calis, & Sydera current:

SI ENI A V I V M terris irrutilato iubar.
Siue dies seu nox Patrio praluxeris orbi
Sic idem verè Lucifer, Hesper eris.



Nicolaus de Zmigrod Scadnicki.

Ode

XVII - 2402 - III

Tricolos Tetrastrophos.

Fauste Natalis redeunte Festo,
 Prosper ô adsis: meliorque semper
 Lustra SIENIAVÎO bona fac reducas,
 Sole sereno.

Prosper & felix venias rogamus,
 Principi Nato: cui vota Phœbus,
 Et nouem Musæ properant; secundis
 Viuat vt annis.

Astriger Princeps pia nostra vota,
 Quæ damus pro Te Superûm Tonanti,
 Et Poli Magnæ Dominæ: fer æquâ
 Mente precamur.

Facque ne spernas, licet illa fiant
 Imparî pompâ, minùs & deserto
 Prodeant cultu, facie serenâ
 Accipe munus.

Immò age, Auctori Superûm, ipse defer
 Sacra nobiscum. Tibi namque cælo

GRATIÆ cunctæ sua dona cornu
Diuite fundunt.
Siue spectemus genus? illud altum
EX AUIS summis Atauisque ducis,
Stirpe SIENIAVÂ: Cui quanta Lux est?
Sydera monstrant.
Et Cruces iunctæ Soleæ loquuntur,
Hoc idem; vestræ Domui coruscæ
Quas tulit KOSTKOWNA Auiâ; illa Diuûm
Vera Propago.
Dicit hoc ipsum mediata binis,
Inclytæ Matris Crucibus Sagitta:
KOTKIEVICÔRVM decus orbe toto,
Nomine clarum.

*Georgius Adamus Osolinski, de Toczyn, Fil:
Thesaur: Reg: Cap: Marienburg: &
Byecen: Stud: Poës.*

SIUE Fortunas volumus? vel ipsi
Diuiti Cræso tua par supellex

Sunt

Sunt Tibi cēntum Populi, tot vrbes!
Pergama totque!

Mille agri, gazæ totidem: tot arua!
Tot Domus claræ famuli! tot auri!
Et tot argenti Cumuli, quot alto
Æquore arenæ.

Est Opum dulcis ratio & salubris,
Multiplex vsus: Patriæ iuuandæ
Seruit argentum, miseris leuandis,
Funditur aurum.

Corporis dotes àut intuemur?
Pulcher: & formâ Superas Iúlos;
Inter æquales & es; inter astra
Clara quod Hesper.

Lucifer vultus nitidos vt ortu
Clarior stellis it, & orbe toto
Luminis flammâ radiante vincit,
Ætheris ignes:

Haûd secus formâ Speciose Princeps,
Sarmatas vincis Iuuenes decoros;
Cedit vt soli iubar omne: Pubes
Sic tibi cedit.

Mentis

Mentis at tantò Tibi Forma maior,
Spiritus quantò sine mole quavis,
Particeps Auræ Æthereæ, Deique:

Corpore præstat.

Dignior quantò Polus estque terrâ,
Maius et quantò pretium metallis
Cæteris auro: decor atq; maior

Solis, Olympo.

Indoles in Te generosa multùm,

Nil leue, aut paruum, aut humile, aut tenellũ:
Summa sed quæuis sapit, atq; Regno, &
Principe digna est.

Ioannes Potocki de Potok, Palat; Bracliu:

Capit; Camenec; Laticou; Litin;

Stud; Poes;

III,

VEla ne pandam ? rate néue parua,
In tuas laudes numero carentes
Inuchar ? verbo satis vnico rem,

Prêndere præstat.

Quic-

Quicquid in caelis fuerat honorum,
Hoc tibi Diui, pariterque Diuæ,
Dexterâ plenâ tribuere totum,

Nutibus orbis.

Pandoræ quondam velut omnia vni,
Dî Deæq; omnes sua contulerunt
Munera; vt Vatum monumenta docto,

Carmine tradunt.

Cuî Venus formam tribuisse fertur,
Indolem Pallas; Dominans Opum vim
Præstitit Iuno, reliquiq; Diui

Cætera dona.

Veriùs sed Tu, meliusque longè
Diues es, Donis Superùm Tonantis!
Patriæ prophis quibus est necessum,

Tempore quouis:

Principum Virtus? Dare vbi est necesse.

Principum Virtus? Patriam iuuare.

Principum Virtus? Propriam erogare

Pauperibus rem.

Hac Tui semper Viguere Clari

Ante Maiores, Atavi Paterque :

Hac

Hac viam ad Cœlos Auia en Tuã aptat
Astra merendo.

Inde quod Regno Patriæque toti
Rebus & Sacris benè profuerunt,
Sumptibus magnis opibusque summis,
Sydera gestant.

Pænè non frustrà, meruère namq̃;
Inferi Cœlo pietate summâ,
Inque præclaris Patriæ trophæis

Sydera ferre,
Viuēt extētis Catharina scēlis,
Cælitum magnæ Supêrum Parenti,
Sumptibus summis quod ad astra sacras
Duxerit ædes.

*Christophorus Franciscus Sapieha, de Macie-
iow, Suecam; Vlodimirien: Stud; Poes;*

I V.

Viuēt extētis Catharina scēlis,
Pura Conceptæ sine labe donec,
Virginis Matris Sacra Festa terris
Ritè colentur.

Nam

Nam sub hoc Diuæ titulo Parenti;
Splendidum Templum dedit, & dicauit,
Cernere vt fas est cuique illud, extra
Mænia Craci.

Hocce Carmeli, quibus ortus altus
Vsq̄ue ab Eliâ, tenuère Patres :
Sorte fundati Catharjs, cui de
Stember origo

Viuet extentis Catharina seclis,
Rusfiæ terris ; vbi sacra multo
Auro & argento, placitura Cælo,
Templa beaut.

Iactat illius pietate Sumptus,
Iactat immensos, grauis vrbs Leonis:
Atque iactabit, sua donec vsq̄ue
Pergama stabunt.

Astra non frustra retulère Signis
In suis, Regno Patrio celebres
Laude SIENTIAVIÎ: rutilant eorum
Facta velut Sol.

Spes par est de te Iuuenis Parentum vt
Ipse splendores meritis adæques,

B

Perque

Perque virtutes referato Olympo,
Sydera scandas.

*Casimirus Albertus Roxicki Castell.
Polanacen. Stud; Poes;*

V.

IN sinu Lunæ tibi stella ridet,
Et tibi Phæbe Sinuosa crescit,
Et tibi Cælo iubar auspicatum,
Lucifer effert.

Magne SIENIAVI nihil adlaboro,
Peripicax res est: Tibi Sydus ortu
Lucidum fulget, Tibi pulchra Phæbe
Cornua tollit.

Ritè Natalem Tibi præfigurat,
Ortus Auroræ, radiusque Lunæ:
Namque Tu Regni Patrij futurus,
Lucifer olim.

Tu decus summum, iubar & perenne
Sarmâtum Terræ, noua Tu Paternæ
Gloriæ surges seges, & Tuorum
Splendor Auorum.

Tu Domus

Tu Domus fulgor radiis coruscus,
Exeres Regno iubar, & Paternis
Lucibus Luces, decus & decori,

Insuper addes.

Omen & Nomen; tibi Stella cælo
Spondet hoc ipsum radiosa flammis,
Hoc idem crescens tibi pollicetur,

Cynthia vultu.

Inde dum primùm caput extulisti,
Parue de Cunis tenerum Dynastes,
Sarmatis Tellus, tibi læta plausu,

Obuia prodit.

Prodit, & bello sua fert Puella
Principi, dextrâ properante dona,
Gesta maiorum, quibus ars Tuorum

Dædala pinxit.

Serico texto super incubando,
Vt legas paruus monumenta rerum,
Quæ Tui quondam Proavi domato

Orbe tulerunt.

Excitus factis Puer, vt Tuorum,
Pro Deo & Regno Patriæ focusque,

Semper in duro vigilans labore,
Fortis in armis.

Dumq; fert ætas, teneris in annis,
Palladis doctæ studiis amicus,
Quæ tibi profint, Patriæque: discas
Pectore toto.

Molle nil textum tenet hoc, licet si
Paruulo molli tibi sit dicatum:
Martis at sæui tremulo duello; &
Sanguine scriptū est.

*Alexander Sapieha, de Macieio, Succam:
Vlodimiriensis, Stud; Poes.*

VI.

CERNIS? vt totum tibi pignus istud;
Patriæ caræ, Patrijque Regni,
Nil nisi pugnæs nisi tela profert,
Tincta cruore;

Hic sciens pugnæ, metuendus hastâ
Hostium victor, tibi se videndum
Nicolaûs offert, genus ille summum.

S I È N I A V Û M.

Huc

Huc Palatinus venit in theatrum
Rusſiæ, æternum cui fama nomen,
Gente SIENIAVA dedit ex Getarum
Sanguine fuſo.

Hic Alexandros licet intueri,
Nominè & re Similes paresque,
Magno Alexandro: cui pænè totus
Paruit orbis.

Hicce Bernardos licet en videre,
Marte felices: quibus vna virtus,
Vna fors, & mens: fuit & voluptas
Sternere Thraces

Procopios fas hic oculis tueri,
Mille Ductores, aliosque fortes,
Quos DOMUSSIENIAVA tulit, decoros,
Ampla triumphis.

Ex quibus Parthos fugat, hic feroces,
Finibus Regni; melior ſagittis
Alter in Mauros volat, & cruentos
Fulminat hoſtes.

*Zbigneus Zelenski, de Zelonka, Filius Pocil-
latoris Braclauienſis; Stud: Poesis*

Hic

HÎC SENATORES libet: atque fas est
 Cernere insignes: quibus vna cura,
 Vna mens semper fuit, vt perennis
 Patria staret.

Præfules magnos specularierque
 Infulâ cellos iuuat; astra Cælo
 Nutibus quorum patuère, & æther
 Plausit Olympo.

HÎc tibi è multis oculis videndus
 Pontifex magnus, cui Gnesna supplex
 Præbuit sedem; stupefacta supra
 Præsule sacro.

HÎc tibi spectandus, adest vir astris
 Altior famâ; Si è NIAÛIUS ille
 PETRVS, á Petrâ cui Schema verè
 Quadrat in æuum.

Namque VERNERVM malè sanus olim,
 Cum (nefas dictu) peteret Bolesta,
 Ceû BOLESLAVS truculentus alter,
 Sanguine fuso.

Agmina instantùm Patriæ Scytharum,
Terga dederunt.

Miles inuictus, Geticas Phalanges
Sæpè qui strauit; Præijtque Ductor
Primus aduersus Scythicas cohortes,
Sæpè Polonis.

Sarmâtum Regni, cûi cum Senatu
Spontè Rex munus dedit; Acer ille
Dux vt in bello, fera signa Martis
Ferret in Hostes.

Ante quàm crescas puer aptus armis,
Manè Vexillum vigil ad duella,
Dux tibi præfert, vt ad arma natus,
Martia tractes.

Atque vbi magni Patriæ Parentes,
Morte præuenti posuere fines,
Tu nouis Regnum decorare felix
Incipe palmis.

Vt Domus totum Patrium per orbem,
Nota clarescat magis, & Tuorum
Fama Maiorum sine fine toto
Crescat in orbe.

Christo.

V I I I

PRæsto fit semper tibi viua virtus,
Patris Illustris generosa Proles
PROCOPI, cuius meritis vt essent
Præmia digna.

Præter immensos alios honores,
Patrio Regno Decus atque Nomen
Pocilatoris capit, annuente
Principe Regni.

Atque Vixisset Patriæ perennis,
Et tibi carus Pater ô adhuc; ô
Vique creuisses; & honora Regni
Nomina ferres!

Sed secus Visum Superûm Tonanti,
Et secus Fatis. Fera, dura, furda,
Vota quæ Patris pariterque Nati,
Morte tulerunt.

Te Domus solum tua respicit nunc,
Vnus & solus Generose restas,

C.

Patriæ

Patriæ Phœnix: renouare seclis

Magna Propago.

Creslaus Stanislaus de Kurozweki,

Meczyński Stud: Póés.

I X.

NAscere & crescas noua fax Polônũ;
Et iubar Lunæ radiare toto

Sarmâtum mundo facias, quod est Ec-
clesia Christi.

Nascere, & crescas; Pietasque Tecum
Crescat in Terris. Timor & Tonantis

Occupet Regnum. Tua Luna per Te
Crescat in æuum.

Solis æterni radiata flammis,

Crescat æternũ; Caput efferatque;

Aureum cœlo, Patrioque toti

Luceat Orbi.

Nascere & crescas noua Lux Polônũ,

Clare SIENIAVI. Sapiaque:

Emine Heroas super vnus omnes,

Inclyte Princeps.

Vt iubat

Vt iubar Regni radiet coruscum,
Principe in Regno Sapiente, Fasces
Patriæ caræ Sapienter, æquè &
Ritè regente.

Regna tum demùm fore nam beata,
Principes quando benè mente cultâ,
Sceptra Regnorum, Populos regentq̃;
Præfide Phœbo.

Nascere & crescas noua Lux Polônum,
Clare SIENIAVI. Sapientiæq̃;
Te dato totum Studijs, beetur
Te duce Mundus.

Indolem Summam tibi Dî dederunt,
Atq̃ue Cultores animi addiderunt,
Quos Alexandro Sapiens Philippus,
Ipse petisset.

Namq̃ue tam dignis (reor vt) Magistris,
Ille Diuinus licet atque Summus
Ingenij donis, Stagirita longè
Cederet ipse.

*Albertus Casmirus de Kurozweki
Meczynski Stud; Poes.*

INter hos primus velut inter ignes
 Ætheris Titan, pietate Clarus
 In Deum & Diuos: Tibi Dux ad astra
 Lumina præfert.

Vt Deum Authorem, tibi qui creauit
 Sydera, agnoscas & ames, vt vnum
 Ens, bonum, verum. melius nihil quo
 Maius & vsquam est.

At quis hic tantus? memorate Musæ,
 Nam Viro tanto Lyra nostra non par?
 Scilicet nomen cui Sacra Iacob

Indidit Aura.

At **P I O T R O V I C K I** celebratur idem,
 A domo Patris. Referam quid omnes
 Illius laudes? cui summa virtus

Nomina fecit.

Laureas Tres hic meruit Lyceo
 Cracico, Magnus celebratur atque
D O C T O R in Sacris; cui Suada linguam
 Dulcè fluentem

Contulit

Contulit. Multos animos Catenis
Ducit hic, quò vult. Sacra siue Templis
Fulminat: doctis àut in Cathedris

Intonat ille.

Nomen in Templis habet ille summum,
Inter & Mystas celebres Sacerdos,
Occupat Palmam pietate summâ,

Clarus vbique.

Inque Terrarum Lechiæ Theatro,
Forma maiores Academiae inter
Huncce Collegas posuit, sinuq;

Suaue recepit.

Post virum tantum. Tibi Palma cedit,
Magne Præceptor celebrisque Cultor
Principis magni. Samuel, meum Cor,

Mens mea, Skrzynski.

Quem DEVS, Natura Parensque, finxit
Principum celsis animis colendis,
Admodum suauem, facilem, modisq;

Omnibus aptum.

Artibus quicquid potes, ô Magister
Ingeniû summi, Sophiæque Doctor,

Viribus

Viribus quicquid potes, id Dynasten
Instruis amplè.

Si quis at debet Tibi pro Labore,
Proque Culturâ, vigiliq̃ curâ,
Credo debebit meus & tuus SLE-

NTIA VIVS olim.
Pallas insudat tua cui, seu Lux
Porrigat Cælo radios: seu nox
Atraper Terras graubus tenebris
Incubet orbi.

Porrò, ne desit quid adhuc Dynastæ,
Moris & cultus animi, atque mentis.
Magnus accedis Domino Magister,

STANESILAE.
Clare Lipnicki: cui cura circa
Principem semper vigil incubanti
Eripit somnum toties, & addit,
Lumina mille.

ARGVS, vt tanquam vigiles vbiq̃,
Luminum centum radiis ad omnes
Angulos spectans; Domino malumnè
Accidat vllum.

Calibus

Casibus semper metuis: per orbem
Sæpè qui passim iaculantur arma,
Inque mortales sua tela figunt

Sortis iniquæ.

Vnde Spes magnas facio Fauorum
Principis quondam tibi. nî Malignus
Vt Solet Liuor meritis obesse

Lædere pergat.

Quartus accedo Tibi cum Poesi
Ipsemet Vates. licet impar vsque
Principi Tanto. tamen vt Magister

Dignus amore.

Par Diis nunquam potis est referri
Gratia. haud vsquam pariter Magistris,
Cura pensatur, neque sat Parenti

Soluitur vlli.

Culte SIENIAVI studijs, Olympo
Plurimum debes. memor & Magistris:
Mon minus debes. Patriæ Patrique

Plurima debes.

Quid loquar? quantum Dominæ teneris?
Post Deum & dulces proprios Parentes,

O Tuz:

O Tuæ in terris Anixæ Nepos ? cui

X I. Niteris vni.

Cuius ô curâ puer educaris ,
Splendidè: à cunis terris Ephebus.

Et manu, & dulci gremio foueris.

Inclytus Heros.

At magis tantò, magis Vsq̃ue debes

Totius Regni, Patriæq; Matri;

Inclytæ Princeps Academiae inquam

Plurima debes.

Illa nam cultrix tua, & illa nutrix,

Illa dux recti: Tibi nam Magistros

Illa produxit, quibus educâre ad

Commoda Regni.

Magna Spes surgit. Fore tempus illud

Quo puer cresces titulis honorum,

Sarmatum regno: super astra famæ &

Tollere pennis.

Culta mens rectis Studijs: origo,

Fons & est Vnus, Via, duxq̃ue certa,

Ad decus quoduis. Comitantur Vltrò

Stemmata dignos.

Imperiū Sacri decus, atque prima
Fama Doctorum, Latiale cælum
Siue quos Ecclesia mater olim

Protulit orbi.

Procidens supplex genibus Verendis,
Doctus Hebræi, Latij, & Pelasgi
Ille sermonis, sua soluit ora,

Taliter orans.

Diua quæ gestas gremio Tonantem,
Et potes quicquid libet impetrare,
Mater & Virgo sine labe semper

Pulchrior astris.

Nolo te multis Dea demorari,
Vnicum posco; prece supplicanti
O faue & præsta. Mihi dedicatus.

Aureus Heros.

Ortus à Granow titulis Parentum
Orbe præclarus, radiansq; multâ
Luce maiorum, magis Usque & Usque
Crescat in orbe.

Et Velut cælo nitet inter omnes
Lucifer stellas magis; aut coruscat

Altius

Altiùs Phœbe radijs, minore
Sydere quouis

Ille sic inter celebres Polonæ
Gentis Heroas, pietate clarus,
Luceat semper. Fideique lumen
Efferat orbe.

Dixit: & doctâ monumenta dextrâ
Fortè quæ gessit, sibi pulcher ales
Iussit vt ferret. dedit & Leonis
Pignus eidem.

Scilicet Princeps Tuus hic Patronus,
Indicat signis. Tibi quæ feruntur
Cælitus: prosis Patriæ arte clarus,
Marteq; fortis.

Hinc laboratâ radians Mineruæ
In togâ laxâ, grauis atque plenus
Plurium annorum, comitante multâ
Pænè cateruâ

Tam virûm longæ decus induentûm
Artubus pulchris chlam ydis, iuuentæ
Quam sacrae musis stat: & ora pronus
Lumine flexo

Orat, & supplex medians phalanges
CANTIVS Diuus celebris Lycei
Doct̃or insignis, pia Vota pro Te
Solvit Olympo.

Inde cælestis Iuvenis Volucris
Aduolans pennâ roseo ore pronus
Supplicat pro Te Dominæ supremæ
Totius orbis.

*Alexander Zaluski, de Zalusk, Fil. Pincerna Ra-
uens: Vicecap: Opocinens: Stud: Poes:*

XIII.

Hinc deïn terris Auiã supremum
Verticem scandunt pia Vota pro Te,
Et preces crebræ gemitu perenni
Sydera pulsant.

Mitto per plures, Tibi qui secunda
Sydera exoptant, superosq; flectunt,
Vt Tibi inclinent bona quæque cælo,
Numine flexo.

Vnicum Sydus Patriæ, subarq; que
Ordinis Sacri, nequeo filere,

Nec

Nec Volo: summâ pietate pridem
Astra merentem
Præsulem, & cælo caput efferentem,
Atque cælestem magis hunc Virum, quam
Credo Terrestrem: licet hunc catena
Corporis arctet.

Nolo, nec possum sine laude summâ
Mittere illustrem pietate Mysten,
S I E N I A V Æ Genti ex Atavis, Avisque
Sanguine iunctum.

Quem Virum? aut Heroa? Polo & Polono
Nomine insignem referam? Fauentem
O tibi Princeps animo fideli &
Pectore toto?

Venit in mentem tibi cogitare,
Barbitonostro recinente nondum,
Nomen illius: Tibi Venit illum
Commeminisse.

Venit ANDRÆ tibi TARLO nomen
Venit in mentem. Quoties hic altum
Mente suspirat; quoties aditque
Sacra Tonantis,

D.

Inque

Inque Diuinis, animi stupore
Hæret infixus. Sine Te momentum
Non ei transit minimum: cui ille,
Summa precatur,
Nomina in Regno. Roseasque pro Te
Virgini Matri toties coronas
Nectit, ut Regno, mereasq; cælo
Ipse coronam.

Virginum Virgo precibus benigna,
Annuens Diuùm: tibi quæ precantur
Cælites, defert Genito Tonanti: &
Spondet Olympo
Fata compleri; quibus ordinatum est,
Pridem ab æterno fore Te beatum
Principem terris, celebremq; toto
Orbe Polono.

Gratus ô tanti memor & fauoris
Esto in æternùm, referasque cælo
Cuncta, dum Viues; decor omnis Vnde
Depluit in Te.
Et Deo, & Matri superùm Tonantis,
Seruias semper: positoque Vultu:

Te

Te, Tuum & Regnum, populos Tuosque
Subde Mariæ.

Sic eris felix mihi crede semper,
Sic eris clarus, celebrisque toto
Orbe terrarum; modò perge Tete
Reddere Diuæ.

Vt Tuæ Lunæ, domuique semper
Præsit, & cælo Veniat benigna,
Vota fac Diuæ, Dominamque supplex
Orbis adora.

Georgius Marcinkowski, de Marcinkowice,

Fil: Subdapif, Crac. Stud: Poes.

XIV.

PLura? sed tempus prohibet. Fer æquâ
Mente, quantumuis opus hocce Vile est.
Æstima mentem, Voluisse rebus
Est lat in arctis.

Qui Tuas Laudes referant diserto
Carmine, exurgent Academiâ. Quam
Tu cole Vt Matrem, cole CANTIVMQUE
Pectore toto.

Qui

Qui Tibi, certum est Superûm Tonantem
In Preces flectit, facilemq; reddit,
Omnibus Votis; quoties ad illum
Corde leuaris.
Utque procliuis magis obligetur,
Ad Tuos nutus; age fac Sepulchro
Illius ponas tua Vota, & auge
Eius honores.

Stanislaus Lukowski, de Lukow.

Stud: oes:

XV.

INterim Princeps, quia fugit hora
Nec finit multis agere. Auspicatos
vive Natales sine nube, mille in
Sæcla renatus.
Nomine, & famâ, meritis, honore,
Et Domo Illustri; cui surgat hæres,
Multiplex donis, sine termino vlllo in
Secula mille.
Hæc ut è Cælo veniant Nepoti,
Tu potes verbis Auia hoc tuis con-
ferre.

ferre. Fac ergo Benedic ei, sic
Sydera tanger.

*Ioannes Skarbek, de Domo Habdank,
Scud: Poes.*

XVI,

Sic erit felix, nimirumque prosper,
Omnibus seclis, numeroque semen
Ipsius, cæli superabit ignem

Et maris vndas.

Vota iustorum pia nam parentum,
Filiis omni faciunt repleri
Copia, cunctis spatiis dierum, in

Secula quæuis.

Os tuum iustum, pia, iusta, sancta,
Principis nutrix, Auia, & Patrona:
Adfauens caro, in bona Verba solue

Ora Nepoti.

Illius Sortes, Tua gaudia: Vrgo
Cælitæ omnes faueant Nepoti

Viuat

Vivat vt felix sine fine; ab omni
Parte beatus.

*Hyacinthus Dabski, de Lubranice,
Stud: Poes.*

XVII.

PORRò Tu Princeps, Auix Inclytæ: adde
Pectus & robur meritis; Vt illa,
Te pijs Votis faciat beari

Omne per æuum.

Hæc Sat. ò Princeps **BENEDICERE** omni
Tempore ex altis Domino Supremo,
Extulit qui Te: **BENEDIC** cum, omni
Tempore Vitæ.

Gratias cælis; Animæ Parentum,
Iusta fac reddas. Animum Magistris
Dede: Natales Tibi concinenti
Offer Amores.

Finio Virgo cui Luna sese
Sub pedes sternit, sociare semper
SIENIAVÎ Lunæ domuiq; præsis.
Luce perenni.

Stella

Stella Tu certè maris. Angiportum
Seculi istius radijs benignis
Principi nostro faueas, & esto

Præuia semper.

Vt per hoc Vitæ pelagus procellis
Obrutum tranans duce Te; secundo
Spiritus Sancti Zephyro, salutis


Littora tangat.

Lustra post centum totidemq; sæcla,
Sole ab Æterno radiatus inter
Principes cæli, sine fine felix

Transigat æuum.

Michâël Kuropatwa, de Ławebow

Lubl. Stud. Pól.



Hen-


Hendecasyllabum.

Nascenti tibi SIENIA VI parabam,
Cunas sternere molliore plumâ.
Ignosce Afriger ô puelle Princeps,
Non sterno tibi, nec propino cunas.
Pro cunis tibi Luna se dicauit,
Pro plumâ meliorem fama strauit.
Pæana accipe: quem tuo sub ortum
Musæ Lucifero cantant nouenæ.
Etsi carmine non satis diserto.
Certè pectore candido & referto.

Stanislaus Osiedowski, Artium Magister,
Philosophiæ Doctor, Professor Poesiæ
Nowodwor. P.P.



Handwritten:
Hendecasyllabum
b. 1. 1. 1.



709

Gint
66

